

REGIONAL NEWS

UNIT

ALL INDIA RADIO, AGARTALA

Date: 01-08-2024

Time: 07.20-07.25 AM Hrs

BENGALI MORNING BULLETIN

Panchayat Election:

রাজ্যে পঞ্চায়েত নির্বাচনের প্রস্তুতি এখন তুঙ্গে। বিভিন্ন স্থানে ভোটকর্মীদের প্রশিক্ষণ পর্ব চলছে এবং বিভিন্ন রাজনৈতিক দলগুলি তাদের প্রচার করছেন। রাজ্য নির্বাচন কমিশনার শরদিন্দু চৌধুরী জানিয়েছেন, পঞ্চায়েত নির্বাচনের জন্য এখন পর্যন্ত ১৮টি ব্লকে ব্যালট পেপার পৌঁছে দেওয়া হয়েছে। আগামীকালের মধ্যে বাকি সমস্ত ব্লকে ব্যালট পেপার পৌঁছে দেওয়া হবে। তিনি জানান ৩৫ টি ব্লকে পঞ্চায়েত নির্বাচন হচ্ছে। তিনি আরো জানান পঞ্চায়েত দপ্তর থেকে ইতিমধ্যে ৩৫ টি ব্লকে ভোট বাস্তব পাঠানো হয়েছে।

03 new law:

নতুন তিন ফৌজদারি আইন বিষয়ে বিশালগড় মহকুমা আইনসেবা কমিটির উদ্যোগে

গতকাল বিশালগড়ের খেলাকুং উচ্চ মাধ্যমিক বিদ্যালয়ে এক আইনি সচেতনতা শিবির হয়। শিবিরে ছাত্রছাত্রীদের সঙ্গে শিক্ষক শিক্ষিকারাও উপস্থিত ছিলেন। নতুন তিন আইন সম্পর্কে আলোচনা করেন দুই আইনজীবী দেবাশিস চৌধুরী এবং শ্যামল

দেববর্মা। আইনজীবী শ্রী চৌধুরী বলেন, নতুন আইনে সাধারণ নাগরিকদের থানায় অভিযোগ জানানো আরও সুবিধাজনক করা হয়েছে। এখন থেকে থানায় না গিয়েও মামলা করা যাবে।

Jishnu Debbarma:

রাজ্যের প্রাক্তন উপমুখ্যমন্ত্রী জিষ্ণু দেববর্মা তেলেঙ্গানার রাজ্যপাল হিসেবে গতকাল শপথ গ্রহণ করেন। গতকাল বিকেলে তেলেঙ্গানা হাইকোর্টের প্রধান বিচারপতি অলক আরাদে হায়দ্রাবাদে রাজত্ববনে তাঁকে শপথ বাক্য পাঠ করান। শপথগ্রহণ অনুষ্ঠানে তেলেঙ্গানার মুখ্যমন্ত্রী রেভান্থ রেড্ডি, কেন্দ্রীয় মন্ত্রী জি কিশান রেড্ডি, উপ-মুখ্যমন্ত্রী মাল্লু ভাট্টি বিক্রমার্কা, একাধিক রাজ্যের মন্ত্রী, মুখ্য সচিব সান্তা কুমারী, ডিজিপি ডক্টর জিতেন্দর এবং অন্যান্য আধিকারিকরা উপস্থিত ছিলেন।

Budget:

কেন্দ্রীয় অর্থমন্ত্রী নির্মালা সীতারমণ বলেছেন যে কেন্দ্রীয় বাজেট/ বৃদ্ধি, কর্মসংস্থান, জনকল্যাণ, মূলধন বিনিয়োগ এবং আর্থিক একীকরণের মতো অগ্রাধিকারগুলির মধ্যে একটি সূক্ষ্ম ভারসাম্য বজায় রাখে। তিনি গতকাল রাজ্যসভায় কেন্দ্রীয় বাজেট ২০২৪-২৫ নিয়ে বিতর্কের জবাব দিচ্ছিলেন। সরকার সবকা সাথ, সবকা বিকাশ, সবকা বিশ্বাস এবং সবকা প্রয়াসের মূলমন্ত্রে বিশ্বাস করে বলে অর্থমন্ত্রী জোর দিয়ে বলেন যে বাজেটে সমবায় ফেডারেলিজমের জন্য প্রভূত সমর্থনের প্রস্তাব করা হয়েছে। কৃষি ক্ষেত্রে বরাদ্দ কমানোর বিরোধীদের অভিযোগ নাকচ করে দেন

অর্থমন্ত্রী। শ্রীমতি সীতারামন বলেন যে শিক্ষা, কর্মসংস্থান এবং দক্ষতার জন্য ১দশমিক চার আট লক্ষ কোটি টাকা বরাদ্দ করা হয়েছে।

Ratan Lal Nath:

বিদ্যুৎ মন্ত্রী রতনলাল নাথ গতকাল মোহনপুরের ঈশানপুর গ্রাম পঞ্চায়েতের তারক চৌমুহনীতে এক নির্বাচনী সমাবেশে ভাষণ দেন। পেশ করেছেন। গ্রাম পঞ্চায়েত, জিলা পরিষদ এবং পঞ্চায়েত সমিতির আসনগুলিতে বিজেপি প্রার্থীদের জয়ের বিষয়ে তিনি আশা ব্যক্ত করেন।

Book launched:

কেন্দ্রীয় বাণিজ্য ও শিল্প মন্ত্রী পীযুষ গোয়েল গতকাল নতুন দিল্লিতে অধ্যাপক কেভি সুব্রামনিয়ানের লেখা 'India@100: Envisioning Tomorrow's Economic Powerhouse' শীর্ষক বইটির উদ্বোধন করেন। এ উপলক্ষে আয়োজিত অনুষ্ঠানে শ্রী গোয়েল বলেন যে ভারত ১৪০ কোটি নাগরিকের সম্মিলিত প্রচেষ্টায় বিকশিত ভারতের লক্ষ্য অর্জন করতে পারে। তিনি আস্থা প্রকাশ করেন যে ভারত ২০৪৭ সালের মধ্যে পরিকাঠামো, কর্মসংস্থান সৃষ্টি, পর্যটন, উৎপাদন, পণ্য পরিবহন এবং প্রযুক্তি সহ সমস্ত ক্ষেত্রে একটি উন্নত দেশ হয়ে উঠবে।

Kerala Landslide:

কেরালায় ওয়ায়নাডে ভূমিধ্বসে মৃতের সংখ্যা ২৫০ ছাড়িয়েছে। ভারতীয় সেনা জানিয়েছে তারা ১৭৯ জন মানুষকে উদ্ধার করেছেন এবং গতকাল আরও চারটি মৃতদেহ উদ্ধার করেছেন। আজ সকালে পুনরায় উদ্ধার কার্য শুরু হয়েছে। কেরালার মুখ্যমন্ত্রী পিনারাই বিজয়ন আজ সকালে ওয়ায়নাডে একটি সর্ব দলীয় বৈঠকের আহ্বান করেছেন। স্বরাষ্ট্রমন্ত্রী অমিত শাহ এই দুর্যোগের পরিপ্রেক্ষিতে সরকারের পক্ষ থেকে সর্বতো সহায়তার আশ্বাস দিয়েছেন। লোকসভার বিরোধী দলনেতা রাহুল গান্ধী ওয়ায়নাড সফরে যাবেন। তিনি সেখানে ত্রান শিবির পরিদর্শন করবেন এবং মেডিকেল কলেজে আহত চিকিৎসীন মানুষজনের সঙ্গে দেখা করবেন বলে জানা গেছে।

Olympic:

প্যারিস অলিম্পিকের পঞ্চম দিনটি গতকাল ভারতের জন্য একটি স্মরণীয় দিন ছিল। গতকাল ভারতের স্বপ্নিল কুসালে পুরুষদের ৫০ মিটার রাইফেল ইভেন্টের ফাইনালে খেলার যোগ্যতা অর্জন করেন। আজ ফাইনাল খেলা হবে।

গতকাল দীপিকা কুমারী মহিলাদের একক তীরন্দাজির প্রি-কোয়ার্টার ফাইনালে প্রবেশ করেছেন। তিনি নেদারল্যান্ডসের কুইন্টি রোফেনের বিরুদ্ধে জিতে এই যোগ্যতা অর্জন করেন।

মহিলাদের বক্সিং ৭৫ কেজি বিভাগে ভারতের লাভলিনা বরগোঁহাই নরওয়ার্থের সুনিভা হফস্ট্যাডের বিরুদ্ধে জয়লাভ করে কোয়ার্টার ফাইনালে প্রবেশ করেছেন।

ব্যাডমিন্টনে মহিলাদের একক গ্রুপ এম ম্যাচে এস্টোনিয়ার ক্রিস্টিন কুউবার বিরুদ্ধে ভারতের পিভি সিন্ধু গতকাল জয়লাভ করেন।

ব্যাডমিন্টনে পুরুষদের একক গ্রুপ এল ম্যাচে ইন্দোনেশিয়ার জোনাটান ক্রিস্টির বিরুদ্ধে ভারতের লক্ষ্য সেন জিতেছেন।

ভারতের সৃজা আকুলা গতকাল টেবিল টেনিসে মহিলাদের একক ম্যাচে সিঙ্গাপুরের জেং জিয়ানের বিরুদ্ধে জিতেছেন। মহিলাদের একক টেবিল টেনিসে মনিকা বাত্রা জাপানের মিউ হিরানোকে হারিয়ে প্রি-কোয়ার্টার ফাইনালে পৌঁছেছে।

এই খেলোয়াড়দের প্রত্যেকেই ভারত সরকারের " Target Olympic Podium Scheme" এর অংশ।

Cricket :

শান্তিরবাজার মহকুমা ক্রিকেট সংস্থা আয়োজিত চ্যালেঞ্জার ট্রফি ক্রিকেটের ফাইনাল ম্যাচ গতকাল বৃষ্টির জন্য মাঝপথে পরিত্যক্ত হয়েছে। বাইখোরা ইংলিশ মিডিয়াম স্কুলে আয়োজিত ফাইনাল ম্যাচে মুহুরিপুর কল্যাণ সমিতির বিরুদ্ধে জগন্নাথ পাড়া প্লে সেন্টার প্রথমে ব্যাট করতে নেমে ৪০ দশমিক ৫ ওভারে সাত ইউকেট হারিয়ে ২২৭ রান তুলতেই বৃষ্টি শুরু হয়ে যায়। উদ্যোক্তারা জানান, বৃষ্টির জন্য আজ খেলা সম্ভব না হলে দুই দলকেই চ্যাম্পিয়ান ঘোষণা করা হবে।

Second division football :

দ্বিতীয় ডিভিশন ফুটবল লিগে স্কাইলারক ক্লাব গতকাল ৪-২ গোলে নবোদয় সংঘকে পরাজিত করেছে। উমাকান্ত মিনি স্টেডিয়ামে আয়োজিত এদিনের জয়ের ফলে স্কাইলারক ক্লাব পয়েন্টের তালিকায় দ্বিতীয় স্থানে উঠে এসেছে। স্কাইলারক ক্লাবের হয়ে খেলায় হেটট্রিক করেছেন ভানলাল কিমা। দলের হয়ে চতুর্থ গোলটি করেন ফিলিমন রিয়াং। এদিকে, নবোদয় সংঘের হয়ে গোল দুটি করেন কৃষ্ণ কিশোর জমাতিয়া এবং রকি জমাতিয়া।

khumulung Football:

খুমলুঙ স্টেডিয়ামে আয়োজিত মহারাজ বীরবিক্রম স্মৃতি নক আউট ফুটবল আসরে গতকাল খাজুরিমুড়া এফসি দলকে টাইব্রেকারে পরাজিত করেছে খুমবার ক্লাব। নির্ধারিত সময়ে ম্যাচে দুই দল ১-১ গোলে শেষ করে। এই জয়ের ফলে প্রতিযোগিতায় কোয়ার্টার ফাইনালে প্রবেশ করেছে খুমবার ক্লাব।

Weather :

আজ আকাশ সাধারণত মেঘাচ্ছন্ন থাকবে। রাজ্যের বিভিন্ন স্থানে বিক্ষিপ্তভাবে বৃষ্টি অথবা বজ্রবিদ্যুৎ সহ বৃষ্টিপাতের সতর্কতা জারি করা হয়েছে। আজ দিনের তাপমাত্রা সর্বোচ্চ ৩০ ডিগ্রি এবং সর্বনিম্ন ২৭ ডিগ্রি সেলসিয়াসের কাছাকাছি থাকবে। আজ ভোর সাড়ে পাঁচটা পর্যন্ত বৃষ্টি হয়েছে ৭.৮ মিলিমিটার।
